

增修埤雅廣要



浙江圖書館



浙江圖書館



浙江圖書館



浙江圖書館

碑美汝字

五代安叔于狀貌堂堂而不通文字人謂沒字
碑晉末契丹犯京師叔于等迎之出班良言邪
律德光問曰汝是安沒字否當與汝一喫飯虎



豸不識字

止求為御史高元禮教之曰如問君不

宜對以獬豸未嘗識字 詳見獬豸

識一丁字

曰挽兩石弓不如識一丁字

識八分字

不識字頗知書八分會直曰阿買退之之
丁也

止識十字

蜀丁 為鎮北大將軍所識不過十字而口授

作者皆有意理使人讀史備知大義與石勒使

人讀漢書事同 並見史

制誥三字

工禹稱曰稿毫終而居三字出郡終須借一毫

三字謂知制誥也

中書五字

裴休制詞綸闈回五字之妙謂中書舍人也王
澹自中書除待制詞禁垣揮翰中書日宣

舍人七字

木呂溱自貴重見賓客不及數言號七字舍

導引六字

行身已有餘后山導引有六字氣嘻吁咽

吁也

書空四字

都督諸軍以敗績被黜終日書空作咄
手四字而已

石缺二字

黃祖子射共讀蔡邕碑曰吾雖一覽猶
惟其中石缺二字更不明耳因書之射
碑較不差莫不嘆服

獻三十字

唐晉州男子詢謨持竹筥葦席行哭長步市口
欲獻三十字一字言一事若不中以筥貯屍席
裹棄之代宗召見言團者願罷團練使監

罷啓軍之類史

賦三千字

趙宋夏竦對策廷下有中貴以吳綾手巾乞詩

題曰殿上衮衣明日月硯中旗影動龍蛇縱橫

樂三千字獨對丹墀日未斜

韻編千字

千字文乃梁武令殷鐵石於鍾王書中榻一千

字每字片紙雜碎無序乃召周興嗣韻一口編

綴鬢髮皆白尚書故實

詩改半字

唐詩人夜宿峯頂寺題壁曰絕頂松楸生夜涼
鶴翻清露滴衣裳前村月照一江水僧在翠微
開竹房書畢既下忽憶月照一江水之時開竹
房月方就中恐太早返而易一爲半字則僧已
易之矣

令改一字



高駢命酒佐薛濤改一字令駢曰口有似沒梁
斗濤曰八有似三條椽公曰奈何一條曲濤曰
杓公尚使沒梁斗至窮酒佐三條椽一條曲又
何是怪

石改右字

五代石昂入朝楊延郎知留後事贊者以延郎諱石更其姓曰右昂曰昂姓石非右也

起史

書

恨改幸字

圖

蕭楚才見張乖崖几案間詩獨恨太平無一事淮南閑殺老尚書即改恨為幸曰天下一統恨太平何也公曰一字之師

類說詩話

詩用薺字

羅浮山記云望平地樹如薺故戴嵩詩云長安

樹如薺後有人詠樹詩云遙望長安薺此耳學
之誤 顏氏家訓

丁改刁字

館

李知遠權知吏部侍郎有選人姓刁者與王志
忠並被放密與令史改刁為丁改王為士擬受
後即添成文字知遠一覽曰今年銓覆之人
總識姓名安有丁士姓者此必刁某也省内以
為神明 會要

冒改姓子

浙

范蠡改姓陶范睢改姓名張祿祥袍田干

之

後改姓軍祥車疎哲改姓東祥東奚氏至
姓嵇此類甚多又衛青父鄭季給事陽信
家奴與衛媪通生青故改姓

撰記減字

忠公鎮洛命僚屬各撰河南驛記謝希深七
百字歐公五百字尹師曾三百八十字歐乃別
撰一記更減師曾十三字尤完粹有法

湘山野錄

增損一字

呂不韋著呂氏春秋暴之咸陽市懸千金其上
曰有增損一字者予千金時無能者

史

不差一字

李程初出試場楊於陵詢日五色賦破云德動
天鑒祥開日華於陵曰須作狀元翌日無名於
陵携示主文曰若有此賦何以待之曰非狀元
不可於陵曰苟如此已遺賢矣亟命取卷對之
子不差遂擢狀元

國史

李方叔爲坡翁客坡知舉欲收之旣而下第坡
詩云平生謾說古戰場過眼昏迷日五言

語稱好事

司馬徽字德操有知人之鑑不談人短與

每事稱好隣有子喪或告之亦答曰好妻

言

徽曰吾妻之言亦大好

世說

對書忍字

張公藝九世同居北齊隋唐皆旌表其門麟德
高宗封泰山幸其宅召見公藝問其所以能
睦族之道公藝請紙筆以對乃書忍字百餘以
進其意以爲宗族所以不協由尊長衣食或有
不均卑幼節禮或有不帶更相責望遂爲乖爭
尙能相與忍之則家道雍睦矣

恥題糕字

劉夢德九日詩以五經無糕字遂輟宋子京詩

飈館輕霜拂曙袍糗饗花飲鬪分曹劉郎不敢

題糕字空負詩中一世豪 後聞見錄

忌呼溫字

王大造桓南郡桓設酒王不能冷飲語左右令

酒來桓流涕嗚咽曰犯我家諱矣

企聰算字

社日小兒以葱係竹竿於牕中搨之曰背聰明

或又加蒜欲能計算也 歲時記

掣肘書字

曾使宓賤爲單父令子賤借善書者二人從之
引其肘書醜則怒之欲好書則又引之書者辭
歸以告曾君曰子賤苦吾擾之不得施等政命
母徵發單父未幾化盛行

說苑

未正朋字

劉晏以神童爲祕書省正字方十歲上召入貴
妃置膝上爲施粉黛上曰汝爲正字一日正得
幾字晏曰餘字皆正惟朋字未正

明皇雜錄

名偶同字

謝安石住半山有墩曰謝公墩後荆公亦住半

山有詩云我名公字偶相同我屋公墩在眼中
公去我來墩屬我不應敬姓尚隨公

詩話

郎呼卿字

宋璟燕朝堂張易之昌宗列卿三品璟六品居
下座易之虛位挹曰公第一人何下座璟曰才
劣位卑卿何謂第一時易之內寵不名其官呼
易之五郎昌宗六郎鄭善果曰公奈何謂五郎
為卿璟曰以官正當為卿君非其家奴何郎之
云

本傳

坡云不識五郎呼作卿

稱公輔字

隋李德林少未有字媿收曰識度天才必至公

輔宜字公輔史

王珪少孤貧母李氏嘗曰兒必貴未知所與游者何人會玄齡如晦等過其家李氏大驚曰二客公輔才汝貴不疑矣

識漫漢字



北齊楊愔有選人曾漫漢自言猥賤不見識愔曰卿前在元子思坊內騎秃尾草驢以方麴障面經見我不下我何不識卿漫漢驚服人曰卿名漫漢果自不虛史

呼卯君字

東坡云舊聞老蚌生明珠未省老兔生於菟坡
弟子由巳卯生坡號卯君生子名虎兒故云云

呼子仙字

呼子先壽百餘歲臨去時呼酒家嫗令治裝忽
二仙人持二狗來子先持一與酒嫗因各騎之
乃龍也上華陰山常呼云子仙酒母在此
列仙傳

呼赤丁字

洛陽牟穎曾葬一枯骨夢人謝云我本強
輩見害感公掩藏願陰護公若有急但呼

字後數有驗

鑄安民字

寇全

崇寧初蔡京為元祐黨籍刻石文德殿門又立
於天下州廳長安石匠李安民安民曰司馬相
公稱其正直今謂之奸邪安民不忍鑄府官欲
罪之匠曰被役不敢辭乞不刻安民鑄字於碑
恐後世併以為罪也

長編注

物諧聲字

陝西鳳州妓女及翠柳皆可愛又公庫酒美故
世言鳳州三出謂妓柳酒也宣城李愈云君州

有四出漆粟筆蜜 遯齋閑覽

言四聲字

唐揚綰方四歲客舉坐中物以四聲呼之眾未
言綰對曰燈盞柄曲眾異之 史

壁間題字

元徽之到通州見壁間詩云綠水紅蓮一朵開
千花萬草無顏色不知何人題錄寄樂天乃樂
天十五年前贈長安妓阿輓絕句也故台詩云
偶助笑歌嘲阿輓那知傳誦到通州

予不識字

樂天集

北齊邢邵彫蟲之美獨步當時二子大德
略不識字 史

子呼父字

晉胡毋輔之嘗酣飲子謙之厲聲呼父字曰彥
國年老不得爲爾輔之歡笑呼入共飲

怒呼小字

許攸嘗於衆座呼曹操小字曰卿非我不得冀
州操笑後殺之

怒呼小子

王爽嘗與會稽王道子飲道子醉呼爽爲小子

爽曰亡祖長史與簡文皇帝爲布衣交何得呼
小子

婢皆識字

鄭玄家婢皆讀書識字一婢不稱旨玄使人拽
着泥中須臾一婢問曰胡爲乎泥中答曰薄言
往訴逢彼之怒玄笑而罷

妓飲書字

宋文潞公之在蜀也頗多宴集有飛語聞于朝
上令御史何聖從訪其事潞公懼張少昌曰聖
從之來不足慮前在漢州宴會有營妓善舞

從愛之問其姓妓曰姓楊爲之喜曰所謂楊臺
柳耶遂取項帕題字云蜀國佳人號細腰東臺
御史惜妖嬈從今喚作楊臺柳舞盡春風萬萬
條此可以見其守也聖從至少愚乃迎其妓雜
府妓中歌是詩聖從爲之大醉潞公之謗遂息
陶穀之使江南也崖岸高古若不敢近韓熙載
謂所親曰吾觀此人其守可隳乃選名妓秦弱
蘭者衣弊衣灑掃驛庭陶爲之動因作郵亭詞
使歌之後數日李主張宴出弱蘭歌所贈之詞
以侑之穀大慚竟至醉吐茵席韋應物之罷蘇

州也過杜鴻漸飲大醉宿傳舍既醒見二妓在
側驚問之曰郎中席上與司空詩記憶否因歌
曰高髻雲鬟新樣妝春風一曲杜韋娘司空見
慣渾閑事惱斷蘇州刺史腸已上數公皆有動
于中以至汙名敗節者多矣東坡使妓求詩於
叅寥將以觀其守叅寥口占曰多謝尊前窈窕
娘好將魂夢惱襄王禪心已作沾泥絮不逐東
風上下狂必若是詩夫然後磨不磷涅不緇而
皎皎之行可見矣

異書類

龍馬獻圖

太昊伏羲世龍馬獻圖出于河天一地六居北
地二天七居南天三地八居東地四天九居西
天五地十居中天地生成之數也

神龜負書

大禹治水功成受舜禪神龜負書出于洛戴九
履一左三右七二四爲肩六八爲足中五縱橫
十五之數也

壁書漆字

書序云先人用藏其家書於屋壁秦焚書伏生

壁藏之 儒林傳

宣帝時河內女子毀李耳之家於垣壁得古文
皆漆書科斗字也

龜曆古字

堯時越裳國獻千歲龜背有科斗書記開闢以
來事帝錄之號龜曆 述異記

石室古字

王烈入河東抱犢山石室有兩卷素書不知其
字不敢取頗譜十數字形體歸示嵇叔夜盡知
其字乃令叔夜重往則失石室所在矣

銅鈹畫字

後魏崔皓好觀星變置金銀銅鈹於酢罌中夜有所見卽以鈹畫紙作字記異

史

蠶食葉成字

漢宣帝之未立也泰山石自起立蠶食葉成文曰公孫病已立五字病已乃宣帝之小字也後王莽將窺漢室欲懼服人心亦竊效之使人以蜜書葉曰王莽作天子令螳蟲嚙食其畫良可笑也

寫書空成字

成都左綿龍角之建刹也工匠告完而刹名未
舉闍梨建會禱于佛請之是日忽聞鴈陣鳴空
緇檀引領仰觀鴈行乃成無爲二字遂巨書以
榜其寺云

蠹食神仙字

何諷於書中得一髮捲規四寸許如環而無端
用力絕之兩端滴水方士曰此名脈望蠹魚一
食神仙字則化爲此夜持向天從規中望星星
立降可求丹度世也奈何絕之

神許二字

唐鄧潛曜母疾刺血爲書請諸神丐以身代火
書而神許二字獨不化翌日母愈

史

鰲示佛字

昔人有贖鰲者於腹下巨書一佛字放之後舟
行墮水覺有物藉足不溺獲至淺渚乃所放鰲
也返而立於波間佛字儼然

血成公字

陶侃手紋達中指至橫文上節絕占曰貴相侃
以針挑令徹彈血壁上乃成公字

影成相字

宋璟未第時開鏡見影成相字因此自負相業
遺事

虎骨乙字

虎夜視一目放光一目着物獵人射之光墜於
地成白石兩脇間及尾端有骨如一字長乙二
寸即其威也破肉取得能令人有威佩之辟邪
驅疾

用三古字

宋汪玉山典貢舉有布衣交密約試義用三古
字為念搜卷果符取式及拆號非其友怪問之

云某假宿寺中夢一女哀語乞葬贈書三百字
是以得薦而前友竟暴疾弗獲入試信有命乎

蟾丹書字

抱朴云蟾三千歲者頭有角頷下丹書八字蕭

大山云此去三千歲應逢八字蟾

鯨腹天字

易注云鯨九肋者勝目吻腹下有天字者不可
食

魚腸乙字

魚枕謂丁腸謂乙尾謂丙皆不可食爾雅註魚

腸謂之乙者魚之餒必自腸始也又以其形屈曲如乙字

東海鰐魚有骨名乙在目旁狀如篆乙字食之鯁人不能出

鴛書印字

鴛啄木鳥也善為禁法人或閉其穴則曲爪據地畫印啄穴即開盜竊效之以發人之肩鑰

紗籠姓字

李藩僧相之曰判官是紗籠中人原化却相宜司必以紗籠護之藩果相

王瑤為揚州木蘭院僧厭苦之飯後擊鐘
紀播鎮揚州訪舊詩有曰上堂已了各西
愧闍梨飯後鐘時僧已碧紗籠之矣續二三十
年來塵拂面如今始得碧紗籠

冥榜姓字

崔昭暴卒復生云見冥間列榜書人生姓名將
相金榜次銀榜州縣小官鐵榜

唐書

御改辰字

范文正公倅陳州時郡守母病召道士奏章公
曰庸人安能達章帝所耶道士秉簡伏壇終夜

不動試捫其軀則僵矣五更微動良久謂守曰
夫人壽有六年所疾勿慮守問今夕奏章何其
久也曰方出天門遇放明年進士春榜觀者駢
道以致稽留公問狀元何姓曰姓王名下一字
塗注一字遠不可辨既而郡守母病平愈明年
狀元乃王拱壽御筆改為拱辰公始嘆道士之
通神也

御去伯字

世言姓名同者必曰姓名韓公卜諱論亦
但杜操字伯度姓名同魏武帝故去伯字

御去蟲字

趙宋楊蟬太宗不識蟬字因曰以微類名

何也御筆去蟲名覃 玉壺清話

御改儉字

後周長孫慶文帝曰尚書既安貧素可改名曰

儉以彰雅操 史

御易昶字

翰林編修朱昶宣德秋初侍經筵帝問曰卿名

敞從尚文耶對曰從日未之昶也因命書之帝

曰日者人君之相奈何背之御筆書易以日加

地別廣要 卷三十五
之末首杲稽首拜嘉

御改照字

劉暉榜有一生名穆曜御筆改曜爲照字蓋詆
朴魯者爲木鷄也 雜

點加勅字

唐屈突通仕隋文帝與漢王諒約若爾書召驗
勅字加點則就道帝立召諒無驗諒覺有變 史

餅裂十字

晉何曾務在華侈每食費萬錢猶云無下
蒸餅不裂十字者不食

箜篌朱字

逸史有李生者其舅姓盧有道術別久忽相遇
邀李生詣其居曰求得一妓善箜篌令侍飲李
生視箜篌有朱字云雲中辨江樹天際識歸舟
盧曰此人名家女莫要作婚姻否李莫測而退
後娶陸長源女乃所見於盧家者問何能曰善
箜篌示之朱字宛然李生具說女曰往嘗夢至
一處亦記見生

門書篆字

宿州天慶觀雍熙中回道人訪觀主者不遇留

詩二首於門其一云手傳丹篆千年術口誦黃庭兩卷經鶴觀古壇槐影裏悄無人迹戶長扃乃玉筋篆丹書也人刮去煎湯治病而字迹復生

凌雲題字

魏明帝立陵雲觀誤先釘榜以籠盛韋誕轆轤引上書之去地二十五丈既下鬚鬢皓然還語子弟曰宜絕此法

乾德鑄字

趙太祖德四鑑背有乾德四年鑄字上大驚曰

安得已有四年所鑄乎宰相竇儀曰昔僞蜀行
有此年號上乃嘆曰宰相須用讀書人

宋長編

大書鷺字

嗟我久閣筆不書紙尾鷺蘇西新橋詩也王氏
法帖最後大書一鷺此帖之珎酌至五十餘萬

虞永興字

有人收得虞永興與圓機書一紙剪開字字膏
之礬鄉二字得麻一斗鶴口二字得銅硯一枚
房村二字得芊千頭隨人好之淺深

字錦

鳳尾諾字

唐紀凡諸侯箋奏皆批曰諾而草書若鳳尾形
齊江夏王鋒五歲高帝使學鳳尾諾即工帝大
悅以玉麒麟賜之

史

羶筆書字

李紆放舉人榜未及填禮部貢院字值令史醉
以羶筆染不能加墨迨明方覺濃淡相間反致
其妍遂爲故事

撫言

鬼畏草字

少保馬公亮少時夜閱書忽有大手如扇自窻
入公以筆濡雄黃水書草字窻外大呼速爲我

滌去不然禍及汝公不聽而寢將曉哀鳴手不能縮且曰公將大貴我戲犯公何忍致我極也耶不見温嶠燃犀事乎公悟以水滌去遜謝而退

犢脇生字

真元中海鹽縣戴文家富性貪刻剝文死隣家一牛生黑犢脇下白毛成字曰戴文文子恥之乃知其父妄取隣之錢也

書字殺鼠

晉淳于髡善厭勝劉柔夜鼠嚙其左手中指髡

為朱書手作田字露手臥明日鼠伏死

書符召鼠

許邁為鼠嚙衣作符召鼠畢至中庭惟一鼠住

伏不敢動 別傳

書名殺怪

范仲淹字希文嘗夜讀書窻外有巨面物戲之
公泚筆書之曰爾面雖然大難欺范仲淹翌日
廟鼓面有此字破之枯骨滿腔焚之怪絕

聞名愈瘡

晉桓石虔小子鎮惡勇猛冠時有患瘡者稱桓

石虔以佈之多愈

齊桓康江南人畏之以其名佈小兒病瘡

其形帖牀壁立愈

史

誦詩愈瘡

有病瘡者夢子美云誦吾詩可治乃令誦手提

髑髏血模糊之句病果愈

古今詩語

呼名止啼

石勒將麻秋胡人也性彪險有小兒啼其母輒

呼麻名恐之曰麻胡來也兒啼即止



浙江圖書館

增修埤雅廣要卷第二十六

文物門

秀水卜世昌男卜不遺△者以

謬書類

不識紇字

識紇叔梁紇皆音浪發切而世多呼為核小說
唐蕭穎士聞人誤呼武仲名因曰紇字也不識
今呼瞎則愈誤矣

不識杖字

李林甫不識杖杜字謂韋陟曰此云杖杜何也

陟俛首不敢言

一本

不識臘字

唐戶部侍郎蕭靈與嚴浚言蒸嘗伏臘乃爲伏
獵浚曰省中有伏獵侍郎者乎

不識草字

張天覺好草書而不工嘗使姪錄其所書詩姪
問此何字天覺熟視詎曰胡不早問致吾忘之
矣

冷齋夜話

錯寫獐字

姜度誕子李林甫作手書慶之曰聞有弄麀之
喜客視之掩口坡云甚欲去爲湯餅客只愁錯

寫弄麀書

妄呼霓字

沈約作郊居賦以草示王筠讀至雌霓連蜷約曰常恐人呼霓作平聲乃五結反耳司馬公曰約但取聲律便美非霓不可讀為平聲也

謬改金根

退之子昶闇劣為集賢校理史傳有金根車韓昶以為誤改根為銀

尚書故實

不辨亥豕

張鷟云亥之與豕涇渭莫分魯之與魚淄澠莫

下注云有人讀史云三豕渡河子夏曰巳亥渡
河校之果然

誤認陶陰

簡牘磨滅陶爲陰以束爲宋者多矣

訛云帝虎

字書之訛有寫魯爲魚以帝爲虎

矯書無點

侯景請於高歡曰握兵在遠易生詐僞請異於
他者許之與景書背加微點歡疾篤世子澄矯
書召之景知僞懼禍及遂降梁

史

不辨諸孫

郭子儀唐肅宗平安史之亂功居第一以一身
繫國安危二十年八子七壻皆列顯官諸孫數
十人不能盡辨但領之而已富貴壽考哀榮始
終與國同休賜名尚父封汾陽郡王謚忠武

偽爲燼書

後周韋孝寬爲南襄州刺史時東魏揚州刺史
牛道恒扇誘邊人孝寬患之乃偽作道恒與孝
寬書論歸欵意偽爲燼書燒迹若火下書者還
令送於敵營魏果疑道恒故其經略不見用

史

不識孟鑑

陳暄曰何水部眼不識孟鑑而吾口不離瓢杓

陳史

不識韋郎

書

唐李遺史張延賞選壻無可意者其妻苗氏賢而
知人特選進士韋臯許之臯性疎曠不拘細行
延賞竊悔由是婢僕頗輕慢之惟苗氏待之益
厚臯因往東遊張氏罄奩具以治行後五年臯
擁節旄會德宗幸奉天持節西川替延賞乃改
姓名作韓翃人莫敢言人有報曰替相公者

韋臯延賞曰彼韋生必填溝壑豈能乘吾位乎
次日果韋臯也延賞慚懼自西門潛遁臯入見
苗禮奉過布衣之日時四濱郭圍因爲詩曰宣
父從周又入秦昔賢誰不困風塵當時甚訝張
延賞不識韋臯是貴人

詐爲古帖

李邕不許蕭誠書蕭乃詐爲古帖示邕曰右軍
真跡邕忻然曰是真物誠以實告邕復視曰細
看亦未能好

封氏見聞錄

詐誤類

詐醉臥吐

王允之總角從伯敦夜飲允之辭醉先臥敦與錢鳳謀逆允之悉聞其言慮疑已便大吐鳳出敦果照視見臥吐中以為大醉允之還以敦謀白父舒與王導俱啓明帝

晉

誤謝惠羊

有人謝惠羊者曰損惠蹲鴟蓋平日誤讀芋為羊也

誤認伯偕

張伯偕陳國人伯偕與弟仲偕貌相類仲妻新

浙

妝畢見伯偕問曰妝好否荅曰我伯偕也妻趨
避須臾又見以爲仲偕告之曰向大誤認伯偕
爲卿荅曰我固伯偕也

風俗通

不識伯淳

范祖禹與陳瑩中論顏子不二過惟程伯淳能
之時瑩中不識伯淳乃作責沈文以自責

不識東坡

東坡云得罪以來深自閉塞扁舟草屨放浪山
水間漁樵雜處往往爲醉人所罵辱輒自喜漸
不爲人所識平生親友無一字見及書與之亦

不荅自幸庶幾免矣

回李端敕書

不識司馬

劉綜欲候司馬徽先使左右問其存亡徽方鋸園左右問馬君所徽曰我是徽頭面醜陋左右罵之曰何等田奴而稱徽須臾刷頭飾服而出左右叩頭謝之

別傳

妻不識夫

豫讓漆身為癩吞炭為啞行乞於市其妻不識也其友識之

史

僧識使者

陶侃家僮千餘人嘗得胡奴不喜言常默坐侃
一日出郊奴執鞭隨胡僧見而驚禮云此海山
使者也侃異之至夜失所在

弟不識兄

夏馥被誣詔捕之乃變形剪鬚爲治家傭弟靜
遇馥不識聞其言聲乃拜之

曾識半面

後應奉字世叔詣袁賀賀時出閉門造車匠開
扇出半面視奉後數十年於路見車匠而呼之

史

誤授人官

後魏孝文以李彪為散騎常侍既而曰朕誤授人官然自應有讓彪啓云伯石辭卿子產所惡臣欲之已久不敢辭讓

史書

誤擢登第

唐鄭熏之典文衡也誤認顏標以為顏曾公之後擢冠多士時人為之語曰主司頭腦太冬烘錯認顏標作曾公又古詞誤認陶潛作阮郎亦此意也

錯食蟊螟

蔡謨初渡江見螿曰蟹有八足加以二螯烹
之既食吐下方知非蟹謝尚曰卿讀爾雅不熟
幾爲勤學誤死

誤酌以醯

唐李景略燕僚佐行酒誤以醯進判官任道簡
以李性嚴強飲而不敢言

順宗記

誤觸響板

蔡確貶新州侍兒名琵琶公每扣響板有鸚鵡
能言輒傳呼其名及琵琶卒後誤觸響板鸚鵡
輒傳呼不已公悒不樂詩云鸚鵡言猶在琵琶

地牙履夏 卷三十六
事已非傷心瘴江水同渡不同歸

誤食毛髮

唐甄立言善醫有道人心腹滿煩彌二歲診曰
誤食髮矣令餌雄黃一劑吐一蛇無目燒之有
髮氣

誤墨成蠅

曹不興畫屏風誤墨點汗因作成蠅孫權謂是
真蠅彈之

妄認生犢

晉王延牛生犢人認之延與之後知妄認犢還

延不復取也與晉宋冲事同

謬認亡馬

後漢卓茂嘗出行有人認亡馬茂知其謬解與之他日馬主別得亡者詣府送馬叩頭謝之

史

妄認車牛

劉寬出行有人失牛者乃於路就寬車中認之寬無所言下駕步歸有頃認者得牛而還叩首謝寬曰物有相類事有脫誤何謝之有

誤持曲禮

後魏祖瑩年十二爲中書學生時博士張天尤

講尚書生徒悉集瑩誤持曲禮乃置禮於前誦尚書二篇不遺一字

史

謬丞為郎

何禎為許都賦帝詔為祕書丞主者謬以為郎月餘禎關事上曰吾用為丞何故為郎按主者罪遂為丞

文士傳

誑為浮屠

宋朝俞澹字清老曉音律荆公喜之一日見公云吾欲為浮屠無錢買祠部公欣然為買祠部約日祝髮過期寂無耗公問其然澹徐曰吾思

僧亦不易爲祠部已送酒家還債矣公大笑

誤爲通印

閩中莆田有通應祠俗誤以爲通印荆公亦云
通印子魚猶帶骨豈有所稽耶

唐史

詐市人馬

後魏高謙之爲河陰令有以囊盛瓦礫指作錢
物詐市人馬者逃去謙之乃僞枷一囚立於馬
市密察市中有二人忻然曰無復憂矣執問之
悉獲其黨

史

誑認壻牛

隋張允濟爲武陽令元武民以牝牛依婦家孳
十餘犢及將歸而婦家不與牛民許縣縣不能
決乃詰允濟允濟因縛民蒙其首過婦家云捕
盜牛者令盡出牛質所從來婦家遽曰此壻家
牛卽撤蒙曰可以牛還壻婦家叩頭伏罪元武
吏大慙

裴子雲斷李進牛還其甥王進事亦同

誤告奪資

後孫奮富而性吝梁冀遺之馬乘從貸錢五千
萬奮以三千萬與之冀大怒誤告奮死於獄悉

沒其資財億七十餘萬

史

詐漢王車

項羽圍漢王急將軍紀信請誑楚詐乘漢王車
黃屋左纛曰食盡漢王降楚楚皆稱萬歲之城
東觀以故漢王與數十騎出西門遁去羽燒殺
信

誤中副車

張良爲韓報仇始皇東游至陽武博浪沙中良
令力士爲鐵椎百二十斤狙擊始皇誤中副車
始皇驚求弗得令天下大索十日

佯待楚使

項王使使至漢陳平使爲太牢具舉進見楚使
卽佯驚曰吾以爲亞父使乃項王使復持去更
以惡草具進楚使歸具以報項王果大疑亞父
不聽所言亞父疽發背死

僞望昭陵

葬文德皇后於昭陵帝念后不巳墓中作層觀
以望昭陵嘗引魏徵同登使視之徵熟視之曰
臣昏眊不能見上指示之徵曰臣以爲陛下望
獻陵高祖陵也若昭陵則臣固見之矣上泣爲

之毀觀

證本傳

詭言餉鮓

齊王瑩與謝超宗交惡瑩父茂詣超宗設麀肥
精白鮓美鮓茂問那此佳味超宗詭言瑩見餉
茂大怒上言供養不足坐免郡

史

誤擘假榴

名妓有從良者嘗召入值夜宴時飾假榴廁釘
核妓誤捉其一將擘之左右盧胡妓知其哂已
也少頃復引取之左右曰此不可食懷之何益
妓曰榴房多子外人獲之將以爲宜男之瑞也

地雅廣要 卷三十一
由是左右競取之盤飭爲之一空

誤持人金

漢直不疑爲郎有同舍郎誤持同舍郎金去同
舍郎意不疑不疑買金償之後同舍歸金亡金
郎大慙 本

誤持人袴

後陳重舉孝廉爲郎同舍郎告歸寧者誤持隣
舍袴去主疑重所取不自申說重市袴償之後
歸寧者以袴還主其事乃顯 漢史

誤鳴進鼓

晉桓溫伐蜀蜀參軍戰沒衆懼欲退鼓吏乃誤
鳴進鼓蜀衆大潰李勢遂降

史

詭荅兵仗

宋顧琛爲庫部郎時伐魏大敗委棄兵仗武庫
爲空帝宴會有歸化人在坐帝問庫中仗有幾
許琛詭辭荅有十萬人仗帝初悔失問後甚善
琛對

史

詐疾得疾

五代唐王建立以宰相判三司願解三司稱疾
明宗曰人固有詐疾而得疾者出爲平盧節度

不辨牝牡

伯樂薦九方臯於秦繆公穆公使求馬三月而
反報曰已得之在沙丘牝而黃往視之牡而騮
公不悅召伯樂曰牝牡物色不能知何馬之能
知也伯樂曰臯之所相天機也得其精而忘其
麤取其內而忘其外馬至果天下良馬

列子

不辨雌雄

詩云具曰余聖誰知烏之雌雄蓋烏質黑而羣
處難辨也

隱語類

曹碑八字

蔡邕題曹娥碑八字曰黃絹幼婦外孫壘白楊
修曰黃絹色絲也絕字幼婦少女也妙字外孫
女子也好字壘白受辛也辭字蓋隱語也是謂
絕妙好辭四字

孤館四字

唐州押衙崔慶成抵皇華驛夜見美人擲書云
川中狗百姓眼馬撲兒御厨飯慶成不對後丁
晉公見之曰川中狗蜀犬也百姓眼民目也馬

撲兒瓜子也御厨飯官食也乃獨眠孤館四字

博異志

招飲八字

有遺書招客飲者曰板戶公堂斫脚露喪其人
荅云班犬良賦趨龜飢肚古今詩格注云板戶
木門閑字公堂官舍館字斫脚斬足斲字露喪
尸出屈字謂閑館斲屈也班犬文苟敬字良賦
尚田當字趨龜走卜赴字飢肚欠食飲字謂敬
當赴飲也

雷書四字

雷擊一販糶者措其尸于柳下白而書之
六口 三六 若是人莫能識須臾黑雲籠樹震聲
復作觀其書更添一長畫直貫於中乃知米中
半水四字也

門題活字

楊修爲魏武主簿創第作門擬於相國魏武題
門作活字修卽毀之曰門中活是爲闕字嫌門
大也

門題鳳字

嵇康與呂安善後來值康不在子嵇喜延之不

入安題門上鳳字而去喜以為欣不覺譏其為凡鳥也

辨巴西字

裴晉公征吳元濟發地得石刻云雞未肥酒未熟解者曰雞未肥無肉也肥去肉為巴西酒未熟無水也酒去水為酉破賊在巴西乎果然

宣空志

題絲絡字

張昌儀恃易之之寵而奢溢有題其門曰一鈎絲能得幾日絡昌儀書其下云一日即足無何

禍及

嘉語

市呼布字

呂布謀誅董卓有人書呂字於布上負而行歌於市曰布乎布乎後布趣兵斬卓

史

呼八人字

翟乾曜天師大呼於夔州市曰今夕有八人過可善待之是夕遺火焚數百家方悟八人乃火

字也

雜俎

避馬涼字

黃冠以符術呪桃木言休咎有士子扣之曰來歲春科詔與賢敢問甲魁荅云馬涼及榜動乃

馮京也士復扣之乃曰天榜未動機不敢泄故以馮點移置京旁寔避之也

書點檢字

五代周世宗一日在文書中拾得一本簡上書云點檢作天子此時張永德任點檢世宗遂換去永德教趙匡胤代替後竟受禪是為宋太祖皇帝

改貨泉字

王莽造錯刀契刀大錢等貨既篡位以劉字卯金刀也乃禁剛卯金刀之利不得行罷錯刀契

刀五銖錢等更作寶貨曰貨布貨泉人以其字
白水真人時劉秀竟從白水起

改廣明字

唐僖宗改元廣明元年相字者曰有一人自屋
下出來姓黃氏左足踏日右足踏月自此天下
被擾去也是年黃巢果入長安

詩謎子

半烟半雨溪橋外間杏間桃山館中解得離人
無限意千絲萬緒惹春風時謂之柳謎子也但
存心裏正毋愁眼下遲若人輕着方便是轉身

時磨詩也喚起窻前曙催歸日未西無心花裏
鳥更與盡情啼同遊詩也凡類是者尚多皆詩
之隱體也茲復有含物而隱言者語雖鄙諺亦
可以資閑中一笑遂錄一書二贅于字書之末

書註

大的不會說小的小的尋常說大的若還要大
的意仔細還象問小的

字點

寒則重重疊疊熱則四散分流村裏不見在村
裏市頭不見在市頭

蛛網

上不在天下不在田中心藏之玄之又玄

箸謎

行則同行止則同止搬口弄舌死而後已

棹跋

我本無名因汝有名汝有不平吾爲汝平

布瑕

身居色界中不染色界塵一朝解纏縛見性始

分明

敗弓

爭帝圖王勢已傾無杷八千兵散楚歌聲無弦
烏江不是無船渡無稍恥向東吳再起兵無面

藥名

苴鋪橫野六七里遠志笛弄晚風三四聲羞活
歸來飽飯黃昏後杜仲不脫蓑衣臥月明草菓

曆本

外頭黃裏頭白兩頭冷中間熱看時有節摸時
無節

井謎

東頭對西頭南頭對北頭頭頭對頭頭四十八

浙

箇頭

習字

後魏孝文帝會羣臣飲酣帝舉卮曰三三橫兩兩縱誰能辨之賜金鍾越城王勰對曰是習字

伽藍記

占算類

占鼎云舟

孔子使子貢往外未來謂弟子兆之遇鼎皆言鼎無足不來顏子掩口而笑曰無足者乘舟而來賜至矣詰朝子貢至

長安賣卜

司馬季主楚人賣卜於長安市宋忠賈誼謂之
曰何居之卑行之污季主捧腹而大笑

成都賣卜

前嚴君平卜筮於成都少城纔閱數人得百錢
足自養則閉肆下簾而授老子今有支機石存
焉

錢塘醉臥

何中正初及第聞郭從周精卜求占從周贈詩
云三字來時月正圓一麾從此出秦關錢塘春

色濃如酒貪醉花間臥不還後以八月十五日
改知制誥出秦州改杭州卒

翰苑名談

合膏封簡

風角者觀四隅之風而占之也後段翳善風角
占有一生從學辭歸翳爲之合膏封簡書有急
發之生至葭萌爭渡吏撾破從者頭生開封曰
烈葭萌與吏鬪破頭者以此膏裹之生乃還卒
其業又張子信亦善風角占

書版索金

晉隗炤善易臨終書版遺妻子曰後五年有詔

使來姓龔負吾金以版上書之至期妻賣版請
使者使者惘然乃取蓍筮卦成曰妙哉隗生吾
不負金賢夫藏金待大平知吾善易爾金有五
百斤盛以青甕埋在堂屋下去壁一丈入地六
尺抽之得金 備要

市鷓得奴

唐杜生善易有亡奴者生曰見進鷓使者可市
其一即得奴矣果遇使者得一鷓忽亡飛集灌
莽上取之獲奴 史

負粟求卜

後魏顏惡來妙於易遊市觀卜有婦人負囊粟
來卜凡七人皆不能中而強索其粟惡來尤之
卜者曰君能卜何不爲卜之顏因筮之曰登高
臨下水洞洞惟聞人聲不見形婦人曰姪身已
七月矣昨汲井忽聞胎聲顏曰十月三十日生
一男子卜者驚服

史

占五色雀

崔信明五月五日生有異雀數頭身形甚小
五色備集于庭樹鳴聲清亮太史占之曰五月
爲火火爲離離爲文彩日中文之盛也雀有文

采此兒必文采聲名播天下雀形既小祿位殆不高矣及長博學強記下筆成章而官采不達

雀銜三鮎

後楊震字伯起嘗客居於湖有雀銜三鮎魚飛集講堂前取魚進曰蛇鮎者卿大夫服之象也數三者法三台也先生自此升矣後果居台輔

庭樹鵲鬪

北齊張子信善風角奚永終同子信坐鵲鳴庭樹鬪而墮子信曰有口舌事勅喚亦不可往是夜瑯琊王五使召辭之詰朝難作

史

坐壞竹牀

至和二年成都費孝先遊青城詣老人村坐壞其竹牀孝先欲償其直老人曰子視其下書云某年月日造某年月日爲費孝先所壞孝先因師事之名聞天下

仇池筆記

嵩真術算

嵩真善算術真自算年七十三正月二十五日晡時死及終乃至二十四日晡時死妻曰見直多下一算慮別有旨果差一日有遺恨矣

西京雜記

和璞心算

邢和璞善心算房瑄求算終身之事和璞曰公之病起於魚餐其木材用龜茲之板後皆悉驗

雜錄

發椽着瓦

魏管輅為人卜盜鹿曰是汝東巷第三家也可取一瓦子密發其屋東第七椽着瓦其上其夜盜父病頭痛亦來卜輅為發之盜具服輅令擔皮肉還故處病自差密教鹿主舉椽棄瓦

史

視塚得牛

魏管輅鄰婦失牛輅卜之令視諸丘塚果得牛

失馬作膾

隋楊醜善易有失馬者來卜醜曰向西布第三
店爲我買魚作膾便當得馬矣其人如教須臾
一人牽所失馬至擒之史

筮易得姓

陸羽不知所生有僧得之水濱自筮得蹇之漸
曰鴻漸于陸其羽可用爲儀吉乃姓陸名羽字
鴻漸

箸算食物

趙達過知故交云乏兼味達取盤中隻筍再縱橫之乃言卿東壁下有美酒一斛鹿肉三斤何以爲無

吳史

箸算困米

曹元理善算陳廣漢曰有東西二困米煩算之曹以食箸十數轉云若干不失圭合西困差三升乃有大鼠可容一升

西京雜志

巧發其中

前李少君善爲巧發奇中坐中有九十餘老人少君言與其大父游射處老人兒時從其大父

識其處一坐盡驚

覆射類

射篋中棗

上林獻棗漢武以杖擊殿檻呼方朔叱叱朔朔
來來此篋中何物朔曰上林之棗四十九枚上
曰何以知之曰呼朔者上也以杖擊檻者兩木
也朔來朔來者棗也叱叱者四十九也上大笑
外傳

射袖中橘

有以故曆裏柑者懷諸袖命善射者射之射者

曰大歲當頭立諸神不敢當其中有一物常帶
洞庭香開視之果橘也

射孟中蜴

上置守宮孟下令東方朔別布卦對曰臣以爲
龍又無角以爲蛇又有足是非守宮乎果蜥蜴
也

方朔傳

射匣中鼠

袁客師天綱子也唐高祖置一鼠匣中令射之
師曰鼠也入則一出則四發視之鼠果生三子
矣

射金甌

玄宗將命相先書名置案上舉金甌覆之謂大
子曰此宰相名也能知其誰乎射中賜卮酒肅
宗曰是非崔琳盧從愿歟上曰然

占剝啄聲

圖

康節夜聞扣門聲先一後五命子占之子曰先
一乾數也後五巽數也乾金巽木金短木長其
借鋤手先生曰夜借鋤無所施必借斧爲析薪
用也問之果然

射十三物

管輅覆射十三物先說雞子後道蠶蛹其十三物一一次第射之無不中者

探繭中官

歲時記人曰京師貴家造探官繭於餽中置帑簽或削木書官品人自探取以上異時官品得

失高下

浙江圖

增修埤雅廣要卷第三十七

氣化門

秀水卜世昌男卜不凡仝校

天化類

天雨粟

蒼頡造書而天雨粟鬼夜哭字學云書契作詐
偽生去本就末天知人將餓故雨粟鬼恐為文
所劾故哭

天雨穀

漢宣帝時江淮飢饉天雨穀三日

述異記

天雨寶

地輿廣要 卷三
梁大同中大雨殿前下雜色寶珠

天雨珠

使天而雨珠寒者不得以為襦喜雨亭記兜率天雨

摩尼寶珠護世珠美膳瑣言

天雨碧

碧石之青美者也從玉石白聲紀年惠成王七年天雨碧于鄭

天雨錢

黃尋大雨天飛錢至其家無數因致富幽冥錄

天雨金

翁仲孺渭川人家貧一日天雨金十斛於其家

富等王侯 孝子傳

天雨酒

隋盧思道賀表云神漿可挹流珠九戶之前天
酒自零凝照三堦之下東方朔神異經西北海
外有人長二千里兩腳中間相去一千里腹圍
一千八里俱曰飲天酒五斗張華注云天酒甘
露也

天雨花

天女以天花散諸菩薩卽皆墮落至大弟子便

着不墮天女曰結習未盡故花着身結習盡者

花不着身

維摩詰經

天雨虹

漢上官桀謀廢昭帝迎立燕王令羣臣皆裝是時天雨虹下屬宮中飲井井水竭

天雨沙

拾遺記平沙千里色如金細如粉風吹起則如霧亦曰金霧亦有雨如塵沙之沙者災祥之不同也

天雨毛

毛者血之餘也天雨之如馬鬣亦兵象也人有
得鳧毛長三丈張華曰此海鳧毛也出則天下
亂

博物志

天降龍

書

孔甲既卽位好鬼神之事不務修德諸侯多叛
時天降乘龍有雌雄孔甲不能食而未獲豢龍
氏陶唐氏既衰其后有劉累學擾龍于豢龍氏
事孔甲能飲食之夏后嘉之賜氏曰御龍以再
豕韋之後龍一雌死潛醢以食夏后夏后享之
既而使求之累懼而遷于魯縣

天投霓

後五行志靈帝時有黑氣墮北宮温明殿東庭中黑如車蓋騰起奮迅千餘丈蔡邕曰所謂天投霓也

天隕石

左氏隕石于宋五星也秦隕石于東郡或刻之曰始皇死而地分使御史逐問莫服盡誅石旁居人燔其石又廬山東有星墜水化為石當彭

蠡灣號落星灣

天雨血

元統二年春正月庚寅朔雨血于汴梁着衣皆赤

雹雨金

歷代紀石遵襲位忽震雷雨雹如斗金石皆銷
漢成帝河平二年四月楚國雨雹大如釜飛鳥
皆死帝王世紀夷王七年冬雨雹大如礪前漢
文帝時雨雹如梅李景帝末初三年河西大雨
雹如栝棗大者或如斗殺畜類折樹木成帝時
雹亦如釜又如金武帝元封中雨雹如馬首晉
穆帝末和中雨雹如孟升有元雨雹其狀有小

兒環玦獅象龜卵之形

雷收麥

介休縣人宿祠中夜聞扣門云介休王借霹靂車收麥其年果損麥

日暈虹

侯鯖錄先儒以為雲薄漏日日日照雨滴則虹生今以水噴日側視之則暈為虹蜺詳天日類

虹貫日

荆軻刺秦王白虹貫日聶政刺韓傀白虹貫日

兵象也史

月暈角

後魏晁崇為太史令天興五年月暈左角崇云
角蟲將死是歲天下牛羊麋鹿死者十七八

雷如彘

雷州春夏多雷秋日則伏地中其狀如彘人多

取而食之 國史補

虹吸酒

韋臯鎮蜀虹垂首於筵吸酒旬日拜中書

雨工

唐柳毅過洞庭女子牧羊毅曰牧羊何所用神

祇豈宰殺乎女曰非羊也雨工也乃雷霆之類也視之甚異

異聞實錄

雨水龜

紹興八年汴京雨水龜大小俱首足卦文

辛酸霧

後主禎明三年元日大霧四塞入人口鼻氣皆

辛酸

陳書

虹化金

搜神記孔子修春秋製孝經無成孔子齋戒向北斗而拜告備于天有赤虹見自上而下化為

黃金有刻文孔子受而跪讀之

雪化銀

耿先生明道術保太中召入宮自稱北大先生
以雪削如銀定投熾火中即為銀

異人錄

星化類

星犯昴

唐丙申星犯昴韋見素曰昴者胡也星犯之不
祥明年甲寅當應乎

詳後彗化胡

星聚井

後魏高允曰漢元年十月五星聚東井者誤按

星傳金水二星常附日而行冬十月日旦在其
尾二星何因背日崔浩曰考究之當以前三月
聚東并非十月也

史

星聚奎

趙宋太祖乾德五年三月五星聚奎自此天下
文明星如連珠在降婁之次初竇儀曾於周顯
德中嘗謂楊微之等曰丁卯歲五星聚于奎自
此天下太平矣

星聚里

陳大丘詣荀朗陵無僕役使子元方將車李方

持杖長文尚少載着後車既至荀使叔慈應文
慈明行酒餘六龍下食文若亦小坐着膝前其
夜德星聚太史奏五百里內賢人聚

星犯座

嚴光與光武同宿光足加帝腹明日太史奏客
星犯帝座太急帝曰朕與故人嚴子陵共臥爾
星入斗

熒惑入南斗梁帝曰熒惑入南斗天子下殿走
乃跣下殿襪之及聞魏主修出奔慙曰虜亦應

天象耶

史

星化僧

李淳風奏北斗當化爲人明日至西京飲酒使
候之乃七僧共飲二石太宗召之僧曰此是李
淳風小兒饒舌也忽不見

國史纂異

星化女

姚生爲唐御史有一子二甥於條山結屋讀書
一日有寶馬數百一夫人與三女至年皆十七
八以配三子謂曰但百日不泄令君長生位極
人臣三子皆昏頑爲憂夫人召孔宣父示以六
籍周尚父示以兵法三子得才兼文武豕僮

以告姚召三子神氣秀麗占對閑雅問之苦不言鞭之具告一碩儒曰吾見織女婺女須女三星無光必此降福三子遣歸夫人復與三子別飲以湯昏頑如故

星化肉

漢主聰淫泆無度嘗建螽斯則百堂求生百子堂災燒殺其子二十一人血雨於東宮時有星隕平陽化爲肉徑二十八步羣臣諫以淫色所致聰曰自是天家事於朕何干

星化豕

有里姬素敬一行其子以罪繫獄將刑求救於
一行行以數推之當有赦遣其徒以布囊於某
處廢園伺之有物來其數七共捕以囊盛之獲
七豕一行置大甕中密覆呪封以梵字太史奏
北斗不見召師問之曰莫若大赦從之星復見
西陽雜俎

星化石

元史冬十月有星如火從東南流芒尾如曳篲
墮地有聲火焰蓬勃久之乃息化爲石青黑光
瑩形如狗頭命藏于庫

星化井

天文志司星奏曰三台星墜于蜀化為三井遣使人驗之撞麗譙鐘聲為度而汲之各使人候于井遂汲一而兩動

書

星化槐

春秋說題槐木者虛星之精也元命包曰樹槐而聽訟其下注槐之言歸也情見歸實也今訟所多列槐也

星墜營

諸葛亮之伐魏也進軍渭南病篤有大星赤而

芒墜亮營中未幾亮卒司馬懿案行其營壘
曰天下奇材也

精化蒲

典樹堯時天降精於庭爲旌感百陰爲昌蒲神
仙傳漢武帝至嵩高遇仙人長二丈耳下垂肩
帝禮而問之曰吾九疑山人聞中岳石上有昌
蒲一寸九節食之可以長生故來採之帝曰彼
非欲服食以喻朕耳

青化人

宋元豐末嘗有物大如席夜見寢殿上至大觀

間漸晝見政和以來大作每得人語聾則出先
若列屋摧倒之聲其形厘丈餘彷彿如電金眼
行動硜硜有聲兵刃皆不能施或變人形亦或
爲驢晝夜出無時習以爲常人亦不大怖時洛
陽府畿內忽有物如人或蹲踞如犬其色正黑
不辨眉目始夜則掠小兒食後雖白晝入人家
爲患所至喧然不安謂之黑漢二年乃息云

慧化胡

折

唐安祿山營州雜胡也姓康氏母爲巫禱于阿
摩山神而生火光發氈帳百鳥皆鳴自是慧現

于天父死隨母再適安氏改名安祿山張守珪
為節度使得之使討契丹敗執送京師帝愛其
才而赦之後請為貴妃兒出入宮掖醜聞于外
遂反自稱大燕皇帝起兵一年目漸昏不能視
物又病疽子慶緒遣李猪兒夜聽其腹腸血流
數斗而死是夜彗星落

熒守心

宋景公者熒惑嘗以其時守心心時之分野公
憂之司星子韋曰可移於相公曰相吾之股肱
曰可移於民公曰君者待民曰可移於歲公曰

歲肌民困吾誰爲君子二十曰天高聽卑君有君人之言三宜有動候之果徙二度

熒在瓠

後魏太史奏熒惑在匏瓜星中忽失所在崔浩曰庚午辛未重陰也失熒惑庚與未主秦辛爲西夷今姚興據咸陽是熒惑入秦矣後熒惑果出東井明年姚興死三年國滅史

火化烏

武王東觀兵至于盟津渡河中流白魚躍入王舟中武王俯取以祭旣渡有火自上復于下

地雅廣要 卷三
于王屋流爲鳥其色赤其聲魄

槎犯斗

博物志云天河與海通有人居海上每年八月見浮槎往來不違時賫一糧而去奄至一所屋宇巖邃宮中一織婦一丈夫飲牛驚問何由至此告其故因問何處曰君至蜀訪嚴君平則知之後訪君平曰此日客星犯牛斗今成都有支

機石

六帖

酒化雨

欒巴飲酒西南巽之曰臣本縣成都今失火故

喫酒爲雨以滅火驛書馳問云月日雨東北來
皆酒氣又後郭憲向東北舍酒三喫救齊國失
火晉佛圖澄喫酒向幽州救火三事同並見史

浙江圖書

增修埤雅廣要卷第三十七

增補
卷三



浙江圖書館

三



浙江圖書館





浙江圖書館



浙江圖書館



浙江圖書館



增修埤雅廣要

江圖書館



浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black